



Broj: 05-1-07-3-765/20  
Sarajevo, 12.07.2020. godine

Na osnovu člana 2.9 stav (1) tačka 5. i člana 4.10 stav (1) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 29/18 i 25/20), a u vezi člana 2. stav (1) Pravilnika o prijavi i uslovima za ovjeru političkih subjekata za učešće na Lokalnim izborima 2020. godine („Službeni glasnik BiH“, broj 25/20) i člana 2. stav (1) Uputstva o rokovima i redoslijedu izbornih aktivnosti za Lokalne izbore 2020. godine koji će se održati u nedjelju, 15. novembra 2020. godine („Službeni glasnik BiH“, broj 29/20), Centralna izborna komisija Bosne i Hercegovine je na 35. sjednici, održanoj 12.07.2020. godine, donijela

## ZAKLJUČAK

Prijava nezavisnog kandidata Rosić Davora od 06.07.2020. godine za ovjeru za učešće na Lokalnim izborima 2020. godine se odbacuje kao neblagovremena.

## Obrazloženje

Nezavisni kandidat Rosić Davor poslao je putem pošte prijavu za ovjeru za učešće na Lokalnim izborima 2020. godine koja je dostavljena u pisarnici Centralne izborne komisije Bosne i Hercegovine dana 06.07.2020. godine.

Odredbom člana 4.10 stav (1) Izbornog zakona Bosne i Hercegovine utvrđeno je da krajnji rok za podnošenje prijave nezavisnog kandidata je 135 dana prije dana izbora, a članom 2. Uputstva o rokovima i redoslijedu izbornih aktivnosti za Lokalne izbore 2020. godine je utvrđen datum 03.07.2020. godine do 16,00 sati kao krajnji rok za podnošenje prijave za ovjeru političkih subjekata za učešće na Lokalnim izborima 2020. godine.

U članu 2. stav (1) Pravilnika o prijavi i uslovima za ovjeru političkih subjekata za učešće na Lokalnim izborima 2020. godine je propisano da se prijave dostavljaju neposredno u sjedište Centralne izborne komisije Bosne i Hercegovine ili putem elektronske pošte, uz obavezu dostave kompletne originalne dokumentacije putem preporučene pošte na adresu sjedišta Centralne izborne komisije Bosne i Hercegovine, u propisanom roku za dostavu prijava.

Iz naprijed navedene zakonske norme i odredbi podzakonskih akata proizilazi da nezavisni kandidat Rosić Davor prijavu za ovjeru za učešće na Lokalnim izborima 2020. godine nije dostavio na propisan način i da je prijava podnesena nakon isteka roka za dostavljanje prijave za ovjeru za učešće na Lokalnim izborima 2020.godine.

Imajući u vidu naprijed izloženo i činjenicu da nezavisni kandidat Rosić Davor nije dostavio prijavu za ovjeru za učešće na Lokalnim izborima 2020. godine na propisan način, kao i nakon zakonom utvrđenog roka, koji je prekluzivni rok iz člana 4.10 stav (1) Izbornog zakona Bosne i Hercegovine, Centralna izborna komisija Bosne i Hercegovine je, u skladu sa članom 2.9 stav (1) tačka 5. i članom 4.10 Izbornog zakona Bosne i Hercegovine, odlučila kao u dispozitivu ovog zaključka.

**Pravna pouka:**

Protiv ovog zaključka, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana prijema ovog zaključka, koji Centralna izborna komisija Bosne i Hercegovine dostavlja putem faks aparata ili e-maila.

Žalba se podnosi preko Centralne izborne komisije Bosne i Hercegovine i dostavlja se putem faks aparata na broj 033/251-329, elektronskom poštom na e-mail adresu [kontakt@izbori.ba](mailto:kontakt@izbori.ba) ili lično u sjedište Centralne izborne komisije Bosne i Hercegovine, ulica Danijela Ozme broj 7, Sarajevo.



**Dostavljeno:**

- nezavisni kandidat
- a/a